

Потапова Наталья Юрьевна

Учуутал күнэ

(акростих)

Уһуяан диэн ааттанар дьиэбэ
Чуораанчык тыаһыгар уйдаран,
Ураты кэрэ киһибит –
Учуутал, эн, сирдээн киллээртиң!
Тапталгын биһиэхэ ингэрэн,
Ааҕарга, суоттуурга үөрэтэн,
Лыах гынан үрдүккэ көтүттүң,
олох киэнг аартыгар атаардың!

Саха тылын учууталыгар

(акростих)

Саргылаах сарсынҥын сарыала
Алгыстаах айаның аргыһа,
Хомоҕой хоһоонун хонуута,
Алыптаах атаһың – сахаң тыла.
Төрүт тыл сүөгэйин, сүмэтин
Ыпсаран ырыаҕар ыллыгың,
Лыах буолан үөһэ көтүтэн
Ыччаты кэрэбэ сирдиигин.
Нууччалыы, омуктуу тыллары
Ураты ньыманан туттанҥын,
Чуораанчык тыаһыгар уйдаран,
Уруоккун сэргэхтик ыытаҕын.
Уран тыл ууһугар уһуйан,
Төрүт тыл төлкөтүн ингэрэн,
Айар кут алыбар кытыаран,
Литература ыллыгың сэгэтэн,
Айарың – тутарың өссө да күүһүрдүн!

Уран Саргын Кыһа Күннэй

Оскуола уонна учуутал

Оскуола -сайдар саҕах кыһата,
Оҕо саас умнуллубат кылаата,
Оҕуруолуу тиһиллэр сылаас уйата,
Олоххо сирдиир дьонун укулаата.

Чуораанчык лыгкынас тыаһа,
Чуумпуга иһиллэр ырыата
Чугдаарда кылааска ыңгыра,
Чугастык оҕолордуун ыаллаһа.

Манна сүрүн киһи- учуутал,
Кэнчээри ыччаты уһуйар,
Кэрэбэ, сырдыкка угуйар,
Махталынан угуттанар.

Айылгытынан-олус эрдэһит,
Айылбатынан -билгэһит,
Айыы дьонугар- сүбэһит,
Айымньылаах бэрт үлэһит.

Түбүктээх сырата түмүктээх,
Түгэбэ көстөр үллүктээх,
Түөрэбэ үрдүккэ көтүүлээх,
Түһүлгэтэ салҕанар үйэлээх.